



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 37. Ejusdem Myst. punct. 3.

[urn:nbn:de:hbz:466:1-60232](#)

MEDITATIO XXXVII.

Ad Amorem Spiritualem in nobis excitandum. Myst. punct. 3.

CONG. Anhelare ad gratiam perfecti amoris in Deum.

PRÆ. I. Deum nobis præsentem, & propitium repræsentare.

PRÆ. II. Petere gratiam Deum amandi opere, & veritate.

PUNCTUM I. Deus OPERANS. MEM. Considerare Deum propter me in Creaturis suis operantem. Ut in Cœlis, Elementis, Plantis, Frugibus, & Animantibus: quatenus dat, &c.

INTEL. Meminerimus, quod amor ipse ab operibus magis, quam à verbis pendet. Atque hinc patet incredibilis Dei in nos amor, qui propter nos, in Cœlo, & in Terra operatur tam multa, & tam grandia. REFL. Componamus opera nostra propter Deum facta, cum illis, quæ facit propter nos Deus: & videamus, quid æquum sit nos facere.

VOL. *Suscipe Domine, &c. Non diligamus verbo, neque lingua, sed opere, & veritate. i. Joan. 3.*

PUNCTUM II. Deus LABORANS. MEM. Consideremus Deum, propter me in Creaturis suis.... laborantem quodammodo: quatenus dat, &c.

INTEL. Quamvis Deus expers sit laboris, opera tamen, quæ facit, tanta sunt, ut sine labore ab eo, qui Deus non est, fieri non possent: ergo Deus juxta modum nostrum loquendi, laborat; sicuti in Scripturâ dicitur pœnitentiâ tangi, &c. & laborat propter me, hoc est, ex amore erga me. REFL. Sic nos

nos vicissim ex amore erga ipsum, debemus labo-
rare in Creaturis; nominatim in proximis nostris,
ut omnes tendant ad laudem, & obsequium Dei.

VOL. *Suscipe Domine, &c.* Nolo ex amore erga
te deinceps ulli labori parcere, donec, quantum
potero, in omnibus hoc egero, ut cognoscant, quia
non est Deus, nisi tu, & enarrent magnalia tua.
Eccl. 36.

PUNCTUM III. DEUS DANS. MEM. Considerabo
Deum sic propter me operantem, & laboran-
tem in Creaturis: *quatenus dat ipsis conservatq;*
id, quod sunt, habent, possunt, atque agunt.

INTEL. Ratiocinemur, juxta Philosophos, con-
servationem æquivalere primæ productioni. Ig-
tur Deus quodammodo rebus omnibus, omni
momento dat esse, vivere, sentire, & homini insu-
per intelligere, aliaque dona, vel naturalia, vel
supernaturalia: & hæc omnia ex amore erga me.

REFL. Hinc concludam, quām constanter, &
sine quiete propter Deum agere, & laborare de-
beam.

VOL. *Suscipe Domine, &c.* Os meum annuciabit
justitiam tuam, totâ die salutare tuum ... usque
nunc pronuntiabo mirabilia tua: & usq; in se-
cundam, & senium: Deus ne derelinquas me, donec
annuntiem brachium tuum generationi omni,
qua ventura est: potentiam tuam, & justitiam
tuam, &c. Psal. 70.

COLLOQ. Petendo amorem Dei, cum gratiâ ipsi-
us. Amorem tui olim cum gratiâ tua mihi dones
& dives sum satis, nec aliud quidquam ultrâ po-
sco.

RECOLLECTIO.

ME-